



# Synfocity = 447

18<sup>th</sup> July, 2013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## □ Residential Choir Conductors' Training vawi 18-na

July 16 (Thawhlejni) zan khan Synod Music Committee buatsaih 'Residential Choir Conductors' Training' vawi 18-na chu Pi Zaii Hall, Synod Conference Centre, Mission Vengah neih a ni a, Rev. Lalramliana Pachuau, Synod Moderator-in Pathian hnenah a hlan. Training hian July 19 (Zirtawpni) thleng a awng.

Pathian hnena Training hlanna inkhawm hi Rev. P.C. Pachhunga, Executive Secretary-in a kaihrui a, Upa F. Lalremthanga, Music Coordinator-in Inhmelhriattirna hun hmangin inlawmna thu a sawi nghal a, Rev. Lalramliana Pachuau, Synod Moderator-in hawnna thuchah sawiin training tura lo kalte chu conductor mai ni lovin, kohhranah nihna pawimawh tak tak nei lai vek an nih avanga training pawh a hlawhtlin ngei a rin thu a sawi a, zaipawl thlarau mi na chhar chhuak ngei tura a duhsak thu a sawi bawk.

Training-ah hian Bial hrang hrang 10 (Mamit Hmunsam, Lallen, Khawzawl Dinthar, Champhai Zote, Rengtekawn, Airfield Vengthar, Tuidam, Aibawk, Lunglei Bazar Veng leh Lawngtlai Chanmari) atangin Kohhran tin aiawh tel tura sawm an ni a, mi 28 an lo tel thei a ni.

Tun tumah hian Upa F. Lalremthanga, Pu Lalromawia, Pu Benjamin Sailo, Tv. H. Lalthazuala leh Tv. C. Zirlianthanga ten Music leh a kaihnawih thil pawimawh hrang hrangte zirtirna an pe thin a ni.

Training kharna inkhawm hi July 19 (Zirtawpni) zan dar 6:30-ah Pi Zaii Hall, Synod Conference Centre-ah neih a ni dawn a, Rev. P.C. Pachhunga, Executive Secretary i/c Music in hmanpuiin thusawina hun a hmang ang. Rev. H. Lalrinmawia, Synod Secretary-in trainees-te hnenah Certificate a hlan ang.

Programme kimchang pheh lehlamah tarlan a ni.

## □ Account training nei

Vawiin (July 18) chawhma dar 10:00 atang khan Synod Office-a Committee Room No.II-ah Mizoram Hmar Bial huam chungga Synod hnuaiia thawktute tan sum vawn dan training neih a ni.

Training hi Rev. Lalzuithanga, Executive Secretary, Finance Officer ni bawkin kaihruiin hunserh a hmang nghal a, dar 10:30 atanga chung dar 12:00 thlengin Synod hnuaiia sum vawn dan Financial Rules chungchang, Tv. Zaihmingthanga, Synod Office-a accountant-in a zirtir a. Chawhnu lamah Rev. Vanlalzuata, Senior Executive Secretary kaihruiainain sawihona hun hman a ni.

He training-ah hian Hmar Bial huam chungga Synod hmun hrang hranga sum vawngtute koh an ni a, kal tura beisei mi 45 an kal kim a ni. Account training hi Chhim Bial lam tan Lungleiah kar leh khian buatsaih leh a ni ang.

## □ Zin

July 20 & 21 hian Bairabi Bial huapin Upa Seminar neih a ni dawn a, hemi neihpui tur hian Rev. Vanlalzuata, Senior Executive Secretary a kal ang.

## □ MSSU

♦ July 19 - 22 hian Mualcheng Kohhranah Sunday School Zirtirtu Training neih a ni dawn a, training neihpui tur hian Rev. Lalzuithanga, Executive Secretary; Tual Upa Lalthahluna Ralte, MSSU Asst. Coordinator leh Tv. Sangzuala Chhangte, Soloist-te an kal ang. Training bakah Fanau enkawl chungchang thuchah sawiin hun an hmang bawk ang.

♦ July 20 (Inrinni) hian Falkawn Kohhranah Sunday School Zirtirtu Training neih a ni dawn a, training neihpui tur hian Pi Lalrinkimi, MSSU Coordinator; Upa K. Zoremsanga, Kulikawn leh Upa Hrilthansanga, Mission Vengthlang (MSSU Trainers) te an kal ang. Training bakah Fanau enkawl chungchang thuchah sawiin hun an hmang bawk ang.

♦ July 20 (Inrinni) hian Falkland Kohhranah Sunday School Zirtirtu Training neih a ni dawn a, training neihpui tur hian Pu John Lalhruiatluanga, MSSU Asst. Coordinator; Upa B. Lalhmunliana, Bethlehem Venglai leh Upa K. Vanlalghaka, Ramhlun East (MSSU Trainers) te an kal ang. Training bakah Fanau enkawl chungchang thuchah sawiin hun an hmang bawk ang.

## □ Synod Mission Board

July 17 (Nilaini) khan Siliguri Mission Field chuan Sunday Sikul Seminar Siliguri ah kan nei a, zirtirtu leh hruiitu mi 76 lai kan tel thei a, seminar-ah hian Sunday School pawimawhna te, zirtir dan te, Psychology te leh Practical chungchang te an zir a ni.

## □ Social Front

July 20 (Inrinni) hian Ramhlun Vengthar Bial leh Lungdai Bialah Political Education Seminar neih a ni dawn a, Ramhlun Vengthar Bial hian Ramhlun Vengthlang Kohhranah hun an hmang ang a, Revd. Chuauthuama (Member, Politic Cell) leh Rev. Lawmsanga (Campaigner) ten seminar hi an neihpui ang. Lungdai Bial hian Serkhan Kohhranah hun an hmang ang a, Dr. Robert S. Halliday (Superintendent, Synod Office) leh Upa Rochungnunga (Campaigner) ten seminar hi an neihpui ang.

## □ Kristian Thalai Pawl

♦ July 27-28 hian Madanrting Bial Leadership Training neihpuiin CKTP hruiitu Pu Saizamliaana Sailo leh Pu Lalmuanpuia Hrahsele te an kal ang.

♦ July 23 (Thawhlejni) hian CKTP committee an thukhawm ang a, KTP Gen. Conference programme an final thei tawha beisei a ni.

♦ July 22 (Thawhtan) zan hian Salem Veng Branch KTP Inkhawmah CKTP Leader Rev. Lalrinmawia'n thuchah a sawi ang a, Synod Choir-in an tawiawm ang.

## □ Music

July 23 - 25 hian Keitum Bial KTP ten Keitum Kohhranah Music Training an nei dawn a, hemi neihpui tur hian Pu H. Lalrinmawia leh Tv. C. Zirlianthanga, Synod Music Instructors te an kal ang.

## □ Synod Hospital Casualty

Synod Hospital, Durtlang-a Casualty Mobile Number thar hetiang a ni : **8415921575**

- **Hruaina Eng FM Radio & TV Programme**
  - ♦ **JULY 19 (FM Zoawi Aizawl @ 7:30 p.m.) :**  
**Solo :** Laldusaki - Ngaiteh Kalvari tlang kraws chungah, **Zaipawl :** Khawzawl Vengthar Bial Zaipawl - Luiral Rammawi, **Thusawi :** Dr. R. Lalrindiki - Cataract(mit note paw) chungchang, **Solo :** C. Lalnunzira - Vanin nuam, **Zaipawl :** Kolasib Venglai Bial Zaipawl - Isua hming an hril ang, **Zaipawl :** The Mizo Cardinal Choir - Khualzin vakvai
  - ♦ **JULY 19 (FM Lunglei @ 7:30 p.m.) :**  
**Solo :** Laldusaki - Ngaiteh, kalvari tlang kraws chungah, Synod News tawi, **Zaipawl :** Khawzawl Vengthar Bial Zaipawl - Luiral Rammawi, **Thusawi :** Rev. Dr. C. Chawngmingliana - Lalpa tihna chuan damchhung ni a ti sei, **Solo :** C. Lalnunzira - Vanin nuam, **Zaipawl :** Kolasib Venglai Bial Zaipawl - Isua hming an hril ang
  - ♦ **JULY 21 (TV Programme @ 3:00 p.m.) :**  
**Zaipawl :** Mision Veng Bial Zaipawl - Kan fak ang, **Bihchianna :** Eye Unit, Synod Hospital, **Zaipawl :** Muallungthu Bial - Aw lungngaihna ka tan a na lua, **Documentary :** Prescom, **KTP Film :** N. Vanlaiphai KTP
- **Susamachar Prasaran Programme**  
**JULY 21 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** Durtlang Masihi Sangati - Mere guna, **Group/Choir/Solo :** Champhai Bethel Pastor Bial - Jab Jab Dekho, **Sermon :** Rev. B. Zobiaktluanga - Jagat Ki Jyoti, **Group/Choir/Solo :** Kawngkharmawii - Krus tere nishan, **Stuti Geet :** **Stuti Geet** - Ek Aag Har Dil Me
- **Moderator Programme**  
Synod Moderator Rev. Lalramliana Pachuau chuan July 19 - 22 chung hian Kolkata Mission Field a tlawh ang.

## 18<sup>th</sup> RESIDENTIAL CHOIR CONDUCTORS' TRAINING

### KHARNA PROGRAMME

**A hun : 19<sup>th</sup> July 2013 (Zirtawpni) 6:30 pm**

**A hmun : Synod Conference Centre**

---

Chairman	:	Upa F. Lalremthanga Co-ordinator, Music
Hla	:	Aw Lal Pathian, i kut chhuak thil siam tinreng (KHB No. 18)
Solo	:	Tv. Andrew Laltlankima
Thusawi	:	Rev. P. C. Pachhunga, Executive Secretary i/c Music
Special Item	:	Synod School of Music
Thusawi tawi	:	1) Trainees aiawh 2) A duh apiang tan
Certificate sem	:	Rev. H. Lalrinmawia Secretary, Mizoram Synod
Solo	:	Tv. Andrew Laltlankima
Report &	:	Pu Lalromawia, Synod Music Instructor
Lawmthu sawi	:	Hmangaihna hrui vuanin (KHB. No. 569)
Hla	:	
Banna	:	Chairman kut-ah

### HRIATTIRNA

Tun hnaia Uttarakhand tuilian avanga chhiatna raphlak tak thlengah khan mi tam takin nunna an chan a, mi bo leh chin hriat loh engemawzat an awm a. Missionary emaw Outreach Worker etc. bo leh chin hriat loha awm kan hriat chuan a hnuiaia hming ziak hnenah hian July 24, 2013 ral hmain hriattir tur a ni e.

**Dr. Robert S. Halliday,**  
**Superintendent, Synod Office**  
**Phone : 2324448 (O), 2349880 (R)**

### AIZAWL THEOLOGICAL COLLEGE HRIATTIRNA

Synod Theological Education Board chuan Synod mirawih laite zinga M.Th. leh D.Th. zir duhte tan dilna a la hawng zel a. ATC Faculty Development atana dil duhte tan D.Th. (New Testament, History of Christianity, Communication leh Missiology-ah) leh M.Th. [Christian Theology, Missiology, Christian Ministry (General), Communication]-ah te dil theih a ni. Hrechiang duh chuan office hun chungin ATC Office-ah zawhfiah theih a ni. Dilna chu August 9, 2013 aia tlai lovah thelulh tur a ni.

**Principal**  
**Aizawl Theological College, Durtlang**

